

寧鄉縣志卷之一

天文志


周官保章辨九州之野皆有分星此次舍之不可忽也

志分野

按晉天文志曰自畢十二度至井二十五度為實沉魏
分野則汾固冀州之域天文參之度哉鄭子產曰堯遷
實沉於大夏主參台駘能業其官顓頊嘉之封於汾洲
台駘汾神也實沉參神也則汾固屬矣而寧邑在參之
幾度其詳尚俟之博君子

寧鄉縣志卷之一 分野

參星圖考



寧鄉縣志卷之一

天文志

周官保章辨九州之野皆有分星登雲臺而望災祥書曰敬授民時又曰懼而修德此敬天之實次舍災祥之不可忽也夫氣數之推遷星宿之行度其當然而然者謂之災如日月應交會一年一蝕是也不當然而然謂之異如不應交會一年再蝕是也而災異各有大小如蝕於正月朔者爲大他月者爲小是也有天象見於上人事應於下如五星聚東井漢高帝入關中聚奎周濂

寧鄉縣志

卷之一 天文

溪邵康節程明道篤生是也有人事作於下天象感於上如宋景公一言熒惑退舍嚴子陵足加光武腹客星犯帝座是也人主敬天勤民雖異之大者不害其爲治怠事慢神雖災之小者適成其爲亂是故堯之水湯之旱幽厲之山崩川竭史冊所載敬怠治亂之故天人感應之理約畧可睹矣大而天下小而一邑顯而物怪人妖微而蓍龜四體得失之報各以類從春秋凡小大災異必謹而書之先儒謂災異上天所以仁愛人主丁寧誥戒有司奉天子之命愛民社之責凡遇星變及饑饉

寧鄉縣志目錄

卷一

天文

分野

卷二

地理

沿革 疆域 城池 形勝 山川
古蹟 八景 附風俗 方言

卷三

建置

學宮 衙署 察院 雜署 倉廩
舖舍 街市 樓閣 牌坊 橋梁
壇廟 寺觀 坊都
鎮店 村堡

卷四

寧鄉縣志

卷之一 目錄

一

典禮

朝賀 朝覲 迎春 鄉飲
射禮 軍禮 救護 賓興
文廟 名宦 鄉賢 文昌 三壇
城隍 八蜡 土地 關聖 東嶽
五龍

制祀

文教

大訓 讀法 義學 講藝

武備

城守 鄉甲 防兵 器械

卷五

賦役

稅糧 戶口 起運
存留 鹽稅 雜稅

土產

穀屬 菜屬 瓜屬 果屬 花屬
木屬 藥屬 布帛 鳥屬 獸屬
畜屬

卷六

職官

知縣 簿尉 典史
教諭 訓導 四合屬

卷七

人物

孝子 義民 碩德 流寓 藝術
節烈

卷八

選舉

進士 舉人 貢士 監生 武職
武舉 吏員 附封贈 恩廕 命婦
辟舉

卷九

藝文

誥命 勅諭 碑記 傳表

寧鄉縣志

卷之一 目錄

二

卷十

藝文

講約詩 題咏

天文步天歌

參總有三星觜相侵兩肩雙足三爲心伐有三星足裏
參玉衡四星右足陰屏星兩肩井南襟軍井四星屏上
參左足下四星天廟臨廟下一物天屎沉

按文獻通考參十度上爲五星日月中道參爲忠廉孝
證之子一曰參伐一曰大辰一曰天市一曰鐵鉞主斬
刈又爲天獄主殺伐又主權衡所以平理也又主邊城
爲九譯故不歡其動也參白獸之體其中三星橫列三
將也東北曰左肩主左將西北曰右肩主右將東南曰
寧鄉縣志

卷之一

分野

三

左足主後將軍西北曰右足主偏將軍中央三小星曰
伐天之都尉也主鮮卑戎裔之國玉井四星水象也屏
二星爲屏風玉井東西四星曰軍井行軍之井也主軍
營之事天厠四星主天下疾病天屎一星色黃則吉

論曰星野之說其來舊矣周禮保章氏以星土辨九州
之地左氏謂熒惑守心宋景襄之實沉爲崇晉侯當之
及史記天官書詳哉言之矣後世象緯家率祖步天歌
而論者譏其州郡謬戾不明地理抑或然歟易曰天垂
象見吉凶聖人象之君子克謹天戒理至而氣應是則

可爲也若夫司天所考職在靈臺其又何知焉
災異

金天會元年大饑

天眷三年地震

皇統三年八月嘉禾生

元至元二十三年夏大旱二十九年饑

大德七年地震

至正十一年四月地震

明永樂十二年八月大雨雪

寧鄉縣志

卷之一

災異

四

景泰元年八月霜

天順六年饑

成化十八年八月大水二十年大饑

宏治元年秋雹八年夏旱十七年饑

正德十一年饑

嘉靖元年地震八年正月大雷雨九年饑盜起

標掠攻城十二年大饑三十四年冬地震有

聲西城燬傾三十九年至四十一年大饑賊發

隆慶四年大雨雹

萬歷十年大饑

崇禎四年流賊大發殺掠 十五年十月斃李花

十六年冬冰內生花 十七年闖賊陷城

國朝順治三年蝗 四年六月初一日地震 六年逆

賊盤據城內一載殺擄男婦二百七十餘人 七

年夏大旱七月蝗大饑 八年六月初八日天鼓

鳴

康熙六年十月十一日山市連城數處見於西北一

帶 三十四年四月初六日戌時地大震後月餘

寧鄉縣志

卷之一

災異

五

猶微震不止是年八月十三日霜秋禾俱不熟

三十五年八月初一日霜殺秋禾民多饑死 三

十六年夏大旱 三十七年瘟疫死亡甚多 四

十年夏秋俱旱五月十二日西北十餘村大雹

寧鄉縣志卷之二

地理志

易曰王公設險以守其國是故姬周建都關中而定鼎於洛邑雖曰道里適均亦所以控扼山左也漢初蕭相國獨收秦典籍唐魏王泰作括地志皆所以重輿圖謹守禦凡各有其道矣寧雖褊小下邑而西屈大河介秦晉之交先屬石州爲齒之唇後隸西河當臂之指其沿革廢興疆域之廣袤城池之高深形勝之險易皆民社安危所係守土者所爲固吾圉也至於古蹟勝景風俗寧鄉縣志

卷之二

地理

沿革

禹貢冀州之域春秋屬晉戰國時屬趙漢爲離石地屬西河郡後周大象初析置寧鄉平彞二縣屬離石郡隋省寧鄉以平彞屬石州金太和間改平彞曰寧鄉亦屬石州元天會丁酉年改屬太原路至元初復屬石州明初仍屬太原後陞汾州爲府改石爲永寧州並隸焉

國朝因之作沿革表

沿革表

舊志缺今按府州二志補之

世代

總隸

郡州

縣

唐

堯分天下為九州

冀州

虞

舜肇十有二州

并州

夏

并州

商

并州

周

晉

寧鄉縣志

卷之二

沿革表

二

春秋

晉

戰國

貞定王十一年

趙

秦

始皇二十六年

分天下為三十六郡

太原郡

漢

西河郡

離石縣

按永寧州志

後漢

西河國

在漢為離石縣而邑志僅云為

司馬晉

太康元年

西河國

離石地則縣治之興至後周始

後趙

石勒建平

永石郡

詳其在漢及魏晉間蓋未有縣

北魏

離石鎮

治也與

北齊

懷政郡

後周 大象初

隋 大業年

唐 太宗分天下十五道

天寶初年

乾元年間

宋 分天下五路

金 太和年間

元 天會丁酉至元初

寧鄉縣志

卷之二

沿革表

三

明 分天下為十三布政司

萬曆十四年

國朝

疆域

離石郡石州

析置寧鄉平彞二縣屬離石郡

離石郡石州平彞

屬石州省寧鄉

石州

平彞

昌化郡

平彞

石州

平彞

石州

平彞

石州

寧鄉

改今名

太原路

石州

寧鄉

山西布政司太原府

寧鄉

陞汾州為

汾州府

永寧州屬

寧鄉

山西布政司汾州府

永寧州

寧鄉

寧鄉縣在府治西一百四十里東至汾陽界六十里南

至隰州界七十里西至黃河界一百五十里北至永寧

界二十五里東南至孝義縣界五十里西南至石樓縣

界一百里東北至永寧界三十里西北至臨縣界一百

一十里廣袤四百四十里有奇

城池

城周圍五里一百八十步高三丈濶二丈許池環於外深一丈濶一丈許門三東曰泰定南曰永寧北曰慶豐西倚鳳山無門樓四西曰文鳳北曰迎恩東南因門爲名明景泰元年知縣梁杲創建正德六年知縣石祥重修嘉靖二十一年知縣王一言因兵變始創敵臺三十五年知縣賈廸因邊報緊急率勸邑人出貲有差磚女牆建樓舍固守便之隆慶二年知縣李卿因寇陷石州密邇寧鄉於東南北三面各增高五尺幫厚八尺仍北

寧鄉縣志

卷之二

城池

四

面浚鑿重濠廣二丈深二丈五尺三年知縣吳三聘築甕城三鐵裹門三東更名曰賓陽南門迎薰北曰拱極嗣後知縣公一場白經時加補葺圯城巨險

國朝順治六年城西南角傾知縣史具勲重修

順治八年知縣王之儀重修東南角創建奎星樓

形勝

左蟠黑嶺右跨黃河泉關搃其南石峽吭其北

山川

鳳凰山

按明景泰元年知縣梁杲創建城垣西跨山脊置樓櫓泉子源水環其東不獨據險守禦之便

而背山臨流形勢亦相與為勝也

牙嶺山

在縣治南二里許因其形勢一各虎頭即八景之一

臥龍岡

在縣治東一里許形如龍臥故名之亦八景之一

栢窠山

在縣治東南十里鳥道穿栢林里許陟子孫聖母廟廟前泉池清冽冬夏不增不減廟後松栢參天緣山不可紀極迤東南為位帝廟俯臨大道邑之勝境也亦八景之一

屏風山

在縣治南三十里松栢疊翠環列如屏亦八景之一

泉子山

在縣治西南四十里即清水河源民資灌溉

樓子臺山

在縣治東南三十里山勢層疊形如樓臺

蜜蜂崖

在縣治南三十里峭然壁立流液如蠟色稍黑相傳有人尋着後宰門蜜蠟取千金之諺

寧鄉縣志

卷之二

山川

五

沒狐臺

在縣治南四十里舊建修真觀臺下有石室可居昔人曾避亂於此邑之勝地也

朱店山

在縣治北二十里環縣皆山也惟北抵石州為平川此山乃諸水之屏障

石門山

在縣治西一百五十里下臨黃河

黃河

西經縣治去城一百五十里為秦晉檻

清水河

在縣治南東會蕉山西會泉子山諸水北流入永寧界又西流會清龍泉又西六十里入黃河

水神泉

在縣治西北狐尾溝內一里許相傳人中暑渴飲之即解

二郎坪泉

在縣治西北二里許兩泉相去不數武而南甘北鹹迥別

車轍泉

在泉子山下即清河源

古蹟

仙明洞

在縣治東南十五里洞口止容一人或高或低或寬或窄深不可測俗傳有仙人居此禱雨輒應

劉公洞

在樓子山中古有劉公修煉於此塑像猶存

龐涓塞

在縣治北七里許龐家會山巔城基尚存相傳龐涓駐兵於此

吳王城

在縣治西一百五十里三交原上有遺址俗傳為吳起塞云

車轍坪

在縣南三十五里相傳戰國時齊使進茶路經於此今軌跡存焉

寧國寺碑

金大定四年立畧云寺在唐顯慶二年重修莫知其始

八景

鳳翼翬晨

鳳凰城

虎頭橫晚

牙嶺寺

林泉昏霧

柏家山

殿栢蒼烟

文廟殿

寧鄉縣志

卷之二 古蹟

六

南雩早夏

南郊壇

東觀深秋

臥龍岡

屏山過雨

屏風山

川溜驚風

清水河

風俗

土瘠民勞俗尚敦朴士崇禮節有陶唐氏遺風

婚禮問名納采親迎衣冠世族猶髣髴前古市井細民

嫁娶而論財近年亦頗波流而下然金珠錦繡上不至

僭擬卿士下不至破產稱貸固緣土瘠民貧亦俗尚敦

朴遺風猶未全泯也

喪禮不飲酒食肉不聽樂不慶賀守禮之家雖未能如

古人之嚴然猶不至蕩閑敗度近風俗日媿婚姻嫁娶者有之惑於緇黃超度之說圖爲觀美多具金銀紙旛之類破產厚塋者比比皆是矣

祭禮祭墓非古也今清明七月十五十月初一皆祭墓不審肇自何時其禴祀蒸嘗之遺乎夫禮緣情起子孫不忘父祖墳墓亦猶行古之道也大殮遷柩塋後三日百日周年服滿各一祭

元旦祭天地五祀及祖先拜親友元宵放燈二十日小添倉二十五日大添倉寒食祭新墓清明祭舊墓添土

寧鄉縣志

卷之二

風俗

七

四月初八作佛會端午用角黍雄黃酒帶艾虎繫長命絲七月初七乞巧曝衣十五祭墓中秋賞月重陽登高十月初一送寒衣冬至儀如元旦臘月二十三日送竈神皆時令也而元旦元宵中秋冬至風俗尤重焉

先王制禮本乎人情情者性之流欲者情之汜濫禮所以節焉者也古之冠婚喪祭禮之枝幹後之荆楚歲時記抑禮之花葉乎必合二者而後可以言風俗也夫今古不同風五方不同俗各緣其陰陽剛柔而染爲奢儉貞淫或過情或不及情或徑情或不近情

禮遂不可問矣君子於此溯其流窮其源小人於此激而行搏而躍太史陳詩亦此物此志耳

方言

孟子之舍楚騷之些子夜讀曲之儂顧况之困韓魏公之絮傳奇之不刺之波楊子雲作方言其集大成者歟子雲多識奇字郭景純音義尙侯龍流風餘韻學者艱難聲牙不易上口是方言巴人下里之易而耆儒宿學所難也蓋五方各有風氣其言各有土音多有聲無字清濁開闔少遷就失所不惟不能通之遐邇卽土著者寧鄉縣志卷之二

方言

八

且不解其爲何語矣譬之考工記一賤工所優爲而周禮豐豐詳之譬之爾雅祖孫父子姻戚朋友不待學而知而姬公沾沾詒之博雅君子以通天下之志以類萬物之情亦或有所取焉

外祖父謂之簡爺外祖母謂之簡婆我謂之咩

讀從中原

音韻媳婦謂之膝

請清平聲蘇侯反二合語也

小磨曰撥賴

濁上似去

鼠曰孤兒承塵曰頂幔鈕扣曰圪

答兒鼓曰撥咪

讀賴上聲鼓

撥咪者擺也窟窿者孔也窟圍者圍也圪拉

去聲者隙

也窟壘

去聲

者塊也搏刺者撥也撥越者墜也

諸師反

推委不前也

敵流

讀清平聲

者丟也隻手攜物也搏立

梨鴉反讀清平聲

者爬

也手足亂動也搏立

讀清入聲

者擲之也

獨隆者東也革聲也特闌者耽也金聲也仄陵者錚

也搏稜者崩也皆絲聲錚從弦崩從手也弦聲一

而輕手聲重而紛也

搏策者竹木投地凡聲而不韻者也蜀刺者梓也物

散落而颯颯然也

寧鄉縣志

卷之二

方言

九

罵謂之卷倘不浪悶悶然者也稜

去聲

騰虎言其慙也

大饅饅言其痴也

雷堆言不振刷也蓋

讀收寡反

辜昏濁之譏也窳

去聲

利卑

汚之謂也緣竿子簾莖而兩人扛也

掇齷猶撮掇也疙刺攪亂之使自沮也捋練刁難勒

措之也疙捋故相左也又意所不順也搔人俾甚

癢亦謂之疙捋

梭利者細也便捷而詳密也耶搭沒刺不著意也

惠若僞曰春秋傳可見者百二十餘國武王伐紂

禹會諸侯八百國大禹塗山之會執玉帛者萬
國農之間抑又衆矣各長其君各子其民風氣
不同語言互異三代而後雖四海混一而習俗流
傳必有不能盡革者此楊子雲方言之所爲作也
其清濁剛柔輕佻魯朴諺曰聞聲測理色目人書
曰聲有短長而喜怒生焉可以斷獄今志風俗附
方言一則殆亦有微意存焉

論曰古云風俗與化移易故國奢示儉國儉示禮
唐魏之遺俗其庶幾乎予以巳卯仕離石值兵凶

之後流移者多撫字之不遑教化云乎哉越明年
歲稍熟乃於月吉讀法條約外敷暢厥旨通以方
言俾愚俗易曉此講約詩之所爲作也士嘗云爲
令約結靡所見奇夫移易風俗非以身先焉日計
而月餘則言教者易窮雖有奇策材力之譽將安
所施也史稱襄城令劉方安靜文吏是不爲赫赫
名者使非上之人寬其轡策無所拘閔方且以無
奇獲咎惡所稱吏治烝烝者哉

講約詩見藝文下